

Na postupke započete prije stupanja na snagu ovog Pravilnika, primjenjivaće se odredbe Pravilnika o postupku objavlivanja konkursa i o odlučivanju o odabiru korisnika sredstava Fonda za zaštitu okoliša Federacije Bosne i Hercegovine ("Službene novine Federacije BiH", broj 74/17, 63/18).

Broj UO-01-3-5-1/2019 Predsjednik
25. septembra/rujna 2019. godine Upravnog odbora
Sarajevo Mr. **Pero M. Goluža**, s. r.

(SI-1054/19-F)

1334

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine ("Službene novine Federacije BiH", broj 33/03) i člana 44. stav 3. Statuta Fonda za zaštitu okoliša Federacije Bosne i Hercegovine ("Službene novine Federacije BiH", broj 33/06 i 62/19), Upravni odbor Fonda za zaštitu okoliša Federacije Bosne i Hercegovine, na prijedlog direktora Fonda i uz saglasnost Federalnog ministra turizma i okoliša, na elektronskoj sjednici održanoj dana 25.09.2019. godine, donio je

PRAVILNIK O IZMJENAMA I DOPUNAMA PRAVILNIKA O MJERILIMA ZA OCJENJIVANJE ZAHTEVA ZA DODJELU SREDSTAVA FONDA, ODNOSNO PROGRAMA, PROJEKATA I SLIČNIH AKTIVNOSTI

Član 1.

U članu 3. Pravilnika o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine Federacije BiH", broj 74/17 - u daljem tekstu: Pravilnik) dodaje se novi stav 2. koji glasi:

"Prijave koje ne zadovolje bilo koji od minimalnih uvjeta konkursa/LOT-a se odbacuju i iste se ne boduju."

Dosadašnji stav 2. istog člana postaje stav 3.

Poslije novog stava 3. u članu 3. dodaje se novi stav 4. koji glasi:

"Svaki kriterij ima izraženu svoju težinu/ponder (kroz maksimalni broj bodova) koji nosi i koji je prikazan u tabeli. Broj bodova koji će se osvojiti po pojedinom kriteriju ovisi od vrednovanja potkriterija koje svaki član komisije ocjenjuje putem koeficijenta 0,5 do 1,0.

Koeficijenti za vrednovanje svakog od potkriterija su sljedeći:

- a. Izuzetno dobar - 1
- b. Odličan - 0,9
- c. Vrlo dobar - 0,8
- d. Dobar - 0,7
- e. Ispod prosjeka - 0,6
- f. Ne zadovoljava - 0,5

Broj bodova za svaki kriterij predstavlja aritmetički prosjek ocjena svakog evaluatora za taj kriterij pomnožen sa ponderom (učestvom predmetnog kriterija u ukupnom zbiru bodova).

$$\left(\sum k/n\right) \times P$$

k - koeficijent za ocjenjivanje

n - broj potkriterija

P - ponder

Ukoliko pojedini potkriterij nije relevantan za pojedini projekt tom potkriteriju se dodjeljuje koeficijent 0,7 kao neutralan. Zbir bodova po svim kriterijima predstavlja konačan broj bodova kojim je ocijenjena predmetna prijava od strane jednog člana komisije. Konačna stručna ocjena projekta je srednja vrijednost ocjena svih članova komisije."

Dosadašnji stav 3. postaje stav 5.

Član 2.

U članu 4. stav 1. brišu se riječi: "nakon obavljenih konsultacija sa pomoćnicima".

U članu 4. Pravilnika dodaju se novi stavovi 2. i 3. koji glase:

"Svaki kriterij ima izraženu svoju težinu/ponder kroz maksimalni broj bodova koji nosi i koji je prikazan u tabeli. Broj bodova koji će se osvojiti po pojedinom kriteriju ovisi od vrednovanja potkriterija koje direktor ocjenjuje putem koeficijenta 0,0 do 1,0. Direktor vrši bodovanje po zadanim kriterijima, a na temelju pokazatelja Stručne komisije (pregled bodovanja projekata po kantonima), Sektora za finansije (pregled priliva sredstava u Fond po kantonima za prethodnu godinu), Sektora za pripremu i realizaciju projekata i programa zaštite okoliša i Sektora za pravne poslove (pregled ažurnosti aplikacija po pitanju realizacije projekata sredstvima Fonda u prethodnom periodu i o potpisanim aneksima), Federalnog zavoda za programiranje razvoja (podaci o indeksu razvijenosti općina/kantona za prethodnu godinu), preporukama projekta i posebnim zahtjevima od strane Vlade FBiH, federalnih i kantonalnih ministarstava, te općina.

Koeficijenti za vrednovanje svakog od potkriterija se kreću u rasponu od 1,0 za aplikante i projekte od izuzetne važnosti za okoliš i razvoj, sa područja sa kojih je visok priliv sredstava u Fond, ili onog koje spada u slabo razvijena područja ili je vrlo rijetko korisnik sredstava Fonda, nema zaostalih obaveza prema Fondu, pa sve do koeficijenta 0,0 za aplikante i projekte bez većeg značaja sa aspekta razvoja, sa područja koje je vrlo čest korisnik sredstava Fonda, sa kojeg je priliv sredstava ispod očekivanog, te gdje postoje loša iskustva u prethodnoj saradnji s Fondom. Ukoliko pojedini potkriterij nije relevantan za pojedinog aplikanta tom potkriteriju se dodjeljuje koeficijent 0,5 kao neutralan. Broj bodova za svaki kriterij predstavlja aritmetički prosjek ocjena za taj kriterij pomnožen sa brojem bodova (učestvom predmetnog kriterija u ukupnom zbiru bodova). Zbir bodova po svim kriterijima predstavlja konačan broj bodova kojim je ocijenjena predmetna prijava."

Dosadašnji stavovi 2., 3. i 4. postaju stavovi 4., 5. i 6.

Član 3.

U članu 5. dodaje se novi stav 2. koji glasi:

Prilikom izrade prijedloga o odabiru korisnika sredstava Fonda, sa iznosima prihvatljivim za finansiranje, direktor je dužan pridržavati se sljedećeg:

- a) Predloženi iznos ne smije preći iznos sredstava traženih od strane aplikanta, kao ni limit po projektu određen tekstom Javnog konkursa za konkretan LOT.
- b) Prednost kod dodjele sredstava imaju projekti sa većim brojem bodova.
- c) Za projekte sa osvojenih >95 bodova predlaže se dodjela 90-100% traženog iznosa, za projekte sa osvojenih >90 bodova predlaže se dodjela 80-90% traženog iznosa, za projekte sa osvojenih >85 bodova predlaže se dodjela 70-80% traženog iznosa, za projekte sa osvojenih >80 bodova predlaže se dodjela 60-70% traženog iznosa, za projekte sa osvojenih >75 bodova predlaže se dodjela 50-60% traženog iznosa, za projekte sa osvojenih >70 bodova predlaže se dodjela 40-50% traženog iznosa. U slučaju da iznos ukupno dodijeljenih sredstava prelazi iznos raspoloživih sredstava, pravo na dodjelu gube projekti sa najmanjim brojem bodova, sve dok se ne uklapi u raspoloživi budžet predmetnog LOT-a. Ukoliko je ukupno dodijeljeni iznos niži od raspoloživog, direktor može kod izrade prijedloga da izvrši korekciju iznosa unutar zadanog raspona, ali samo na način da se prednost daje projektima sa većim brojem bodova.

Dosadašnji stav 2. postaje stav 3.

Član 4.

Ostale odredbe Pravilnika ostaju neizmijenjene.

Član 5.

Ovaj Pravilnik stupa na snagu danom objavljivanja u "Službenim novinama Federacije BiH".

Na postupke započete prije stupanja na snagu ovog Pravilnika, primjenjivaće se odredbe Pravilnika o mjerilima za ocjenjivanje zahtjeva za dodjelu sredstava Fonda, odnosno programa, projekata i sličnih aktivnosti ("Službene novine Federacije BiH", broj 74/17).

Broj UO-01-3-5-2/2019
25. septembra/rujna 2019. godine
Sarajevo

Predsjednik
Upravnog odbora
Mr. **Pero M. Goluža**, s. r.
(SI-1055/19-F)

JP RTV 7 D.O.O. TUZLA

1335

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 257. Zakona o privrednim društvima ("Službene novine Federacije BiH", broj 81/15) i člana 42. stav 1. alineja 6. Statuta JP RTV 7 d.o.o. Tuzla (Prečišćeni tekst), broj OPU-IP-201/2015, Nadzorni odbor JP RTV 7 d.o.o. Tuzla, na sjednici održanoj dana 27.09.2019. godine, donosi

ODLUKU

O KONAČNOM IMENOVANJU DIREKTORA JP RTV 7 D.O.O. TUZLA

Član 1

Jasna Kapetanović, dipl. žurnalista iz Tuzle, imenuje se za direktora JP RTV 7 d.o.o. Tuzla, na mandatni period od 4 (četiri) godine, počev od 01.10.2019. godine.

Član 2.

Odluka stupa na snagu danom donošenja.

Član 3.

Odluka će biti objavljena u "Službenim novinama Federacije BiH".

Broj NO-496/19
27. septembra/rujna 2019. godine
Tuzla

Predsjednik
NO JP RTV 7 d.o.o. Tuzla
Sead Mahmuzić
(SI-1053/19-F)

J.P. "KOMUS" D.O.O. GRAČANICA

1336

Na osnovu člana 102. stav 1. tačka 2. Statuta ("Službeni glasnik Općine Gračanica", br. 7/13 i 1/15), člana 5. Zakona o donacijama preduzeća u javnom vlasništvu ili pod javnom kontrolom u F BiH ("Službene novine Federacije BiH", broj 13/03), a u skladu sa Prijedlogom Uprave o raspodjeli dobiti 01/4-611/19 od 04.04.2019. godine i Mišljenjem Nadzornog odbora broj 01/3-682/19 od 15.04.2019. godine, te Odlukom Skupštine J.P. Komus d.o.o. Gračanica o raspodjeli dobiti broj 01/2-722/19 od 07.05.2019. godine, Nadzorni odbor J.P. "Komus" d.o.o. Gračanica, na sjednici održanoj 30.08.2019. godine, jednoglasno, donio je

ODLUKU

O DODJELI DONACIJA

Član 1.

Donosi se Odluka o dodjeli donacije sljedećim subjektima:

r/b	Prijavu dostavio	Naziv projekta	Odobreni iznos KM
1.	Udruženje pčelara "BAGREMOVAC" Gračanica	Važnost oprašivanja kao ekonomski faktor za čovječanstvo, poljoprivredu i voćarstvo	233,48
2.	UG Košarkaški Klub Gračanica	Projekat sufinansiranja trenažnog procesa i takmičenja za sezonu 2019/2020	500,00
3.	NK MLADOST Malešići	Održavanje sportskih aktivnosti pionira, juniora NK MLADOST u takmičarskoj sezoni 2019/2020	1.000,00
4.	R.K "Gračanica"	Omladinski rukometni turnir	1000,00
5.	UG Eko lideri Gračanica	Nabavka sadnica drveća za učešće u akciji "Milion sadnica za jedan dan - 2019"	500,00
6.	Sportski savez općine Gračanica 09	Obuka učenika/ca neplivača osnovnih škola	500,00
7.	MNK "Kaskada" Gračanica	Organizacija dva turnira za djecu različitih uzrasta "NADE FUDBALA"	500,00
8.	Karate klub "Gračanica - Gračanica"	Pripreme i učešće reprezentativki na domaćim i međunarodnim takmičenjima	500,00
9.	NK "Bratstvo"	Izgradnja ograde na stadionu sa plastičnom travom	1.500,00

Navedena donirana sredstva, nakon potpisivanja Ugovora, uplatit će se na transakcijski račun predmetnog subjekta.

Član 2.

Ova Odluka stupa na snagu danom davanja saglasnosti od strane Grada Gračanica, a primjenjuje nakon ispunjenja svih Zakonom predviđenih preduslova za dodjelu donacije.

Broj 01/3-968/19
30. augusta/kolovoza 2019.
godine

Predsjednik N.O.
Zumreta Kenjar, s. r.
(SI-1056/19-F)

JKP "VITKOM" D.O.O. VITEZ

1337

Na temelju članka 257. stav 1. točka f), a u vezi sa člankom 303. Zakona o privrednim društvima ("Službene novine Federacije BiH", broj 81/15), članka 12. Zakona o javnim poduzećima ("Službene novine Federacije BiH", broj 8/05, 81/08, 22/09 i 109/12) i članka 14. i 17. stav 1. i 2. Statuta JKP "VITKOM" d.o.o. Vitez, Nadzorni odbor JKP "Vitkom" d.o.o. Vitez, na 10. sjednici Nadzornog odbora održanoj dana 13.09.2019. god., donio je

ODLUKU

O IMENOVANJU DIREKTORA JKP "VITKOM" D.O.O. VITEZ

I

Jasna Babić, dipl. pravnik iz Viteza, rođena 09.02.1977. god. imenuje se za direktora JKP Vitkom d.o.o. Vitez.

II

Mandat direktora poduzeća je 4 (četiri) godine i teče od 14.09.2019. godine.

III

Prava i obveze direktora, plaća kao i ostale naknade, posebno će se regulirati ugovorom koji će potpisati predsjednik Nadzornog odbora i direktor, a temeljiti će se na odredbama Statuta i drugim općim aktima poduzeća.

IV

Odluka stupa na snagu danom donošenja i objaviti će se u "Službenim novinama Federacije BiH".

Broj 01-4409/19
13. rujna/septembra 2019. godine

Predsjednik
Nadzornog odbora
Emir Delilović, v. r.
(SI-1057/19-F)